

S. VIII. 33.

EPICEDIA

IN

Luctuosum atq; præmaturum, beatum tamen
& placidum obitum,

Egregiæ ac virtute præditæ fœminæ

DOROTHEÆ *Q̃m̃is*/

Præstantissimi doctissimiq; Viri

JOANNIS JACOBI TREDERI Civis primarij,
Conjugis dilectissimæ, prid. Calend. Maij, Anno
cl. lcc. XXXVII. animam expirantis,

Conscripta,

ad


Leniendam Vidui mæstitiam

ab

Affinibus, Amicis aliisq; condolentibus,



STETINI, Typis DAVIDIS RHETIL.



Ad Virum Præstantissimum, Literatissimumq;
Dn. JOHANNEM JACOBUM TREDERUM,
Affinem & Compatrem suum pl. colendum, insperatum
quidem, beatissimum tamen conjugis suæ dilectissimæ
obitum acerbè lugentem.

Επιγραφή Consolatorium.

Conjugij sociam lux abstulit ultima mensis,
Eheu! Aprilis, JANE JACOBE, tibi.
Condoleo ex animo, deploroq; tristia fata
Humanæ sortis, quæ quoq; tu pateris,
Usq; adeo humanæ sors currit lubrica vitæ,
Et subito lapsu, quæ modò firma, cadunt.
Grator at Uxori, quæ spretis hisce caducis
Nil firmum in vita nos superesse docet.
Est tua nam Conjux cœlesti sorte beata,
Et capit ante thronum gaudia summa DEI.
Immoriens CHRISTI merito haut moritura recessit,
Mors fuit huic non mors, sed mera vita fuit.
Namq; ea ducentem CHRISTVM ad meliora secuta est,
Pastorem ut balans concomitatur ovis.
Et nos mortales sapiamus cœlica regna:
Mors certa est, tempus perbreve, vita mala.
Tu verò nimium lacrymari desine quæso,
TREDERE, Affinis: quippe beata jubet.
Et pietas jubet, & reditus spes certa futuri
In cœlis: hac tu spe tua damna leves,
Quam vitæ sociam lux abstulit ultima mensis
Aprilis, reddet ultimus ille dies.

Συμπόσιον 7.

*Laurentius Eichstadius, Medic. D.
& Physicus Stetinensis Ordinarius.*

A 2

Dum

Dum parit, ecce perit, tua conjux, Clare Tredere,
Vixq; patrem factum te facit, heu! viduum.
Ingens iste dolor, fateor; veruntamen ecce
Non perit, exuto corpore, ad astra migrat.
Ergo conceptos animo depelle dolores,
Atq; tuam cælo Conjugem orare sine

Condolentiam suam ita testab.

M. Martinus Leuschner Ducal.
Pad. Stet. Rector.

Vix annus cum dimidio, TREDERE, Maritum
Te vidit: dulcis tam citò ruptus amor.
Heu! modò quæ lætum fecit te prole Parentem;
Tristem nunc viduum funere mersa facit.
Vos equidem longum jungendos rebar in ævum,
Tam sanctâ cernens corda ligata fide.
Sed mirus Deus est, sunt huic arbitria mira,
Exercet mirò more modoq; suos.
Est huic consilium sapiens, spectatq; salutem;
Suscitat ipse necans, deijciensq; levat.

*Supremi bon. & piæ condol.
caus. f.*

M. Heinr. Kielmannus, Gr. L.,
& Poet, Prof. & ConR, Ducal,
Pædag. Stet.

Si media est anima pars uxor, Amice Tredere;
Te media vita parte carere, grave est.
Sed bene habet: Cælo es media jam parte beatus.
Tristis es? Una tui pars sine tristitia est.

M. Johan. Micraelius.

Misceri in Orbis hoc theatro tristitia
lætis subinde, & permanere perpetim
firnum nihil, mirâ vicissitudine,
Tredere culte, sat potes testarier.
Nam qui, Deo favente; nuper factus es
lætus pater, nunc morte conjugis piæ
incedis, ecce, pallâ amictus lugubri.
Sic lape castigando nos ad lacrymas
cogit Deus, doloris assolletque iis
offerre poculum, impensius quos diligit.
Verum nimis dolere parce. Namque ea
corpus suum mortale de parentibus
mortalibus sumsit, paratum ut redderet
Morti exigenti jus suum; sed Spiritum
Autor poli & soli dedit. Revertitur
idcirco cœlestem ad domum, sacris ovans
ut cantibus *Jovam* celebret jugiter.
Dies redibit illa, quâ beatius
Vos reddet in consortium summus Pater;

lætis ubi videbitis non ampliùs
misceri, in Orbis ut theatro, tristitia.

*M. Ericus Pelshofer, Duc. Pad. Stet.
SubR. Eloqv. Prof.*

Natali, Frater, cecinit tibi concio sortem,
Audit in nivea quam nova veste cohors,
Illà nec assidue vultum monstrare serenum
Testata est Dominum, nec tegere assidue.
Præproperà sortem nec conjux morte fefellit,
Quam sacris simili fata tulere die.
Iam te, cum propior tangat te cura Jehovah,
Quod statuit, latà tollere mente decet.

Fratrem viduum consol. f.
H. T.

Quondam connubio cum sim gratatus amice,
Nunc quoq; mœstitiæ condoleoq; tuæ.
Maximus is dolor est cum dirumpantur amoris
Pectora, quæ junxit copula Sacra Dei.
Indiget hinc solido quisquam solamine Verbi
Divini, conjux morte cui rapitur,
Quod Tibi sufficiens Præconis lingua parabit,
Quâ Deus & mentem corq; movere solet.
Literulæ possunt quicquam subnectere amici
Quod revocans mentem, ponderè forte levet.
Chara quidem socia hæc, at sit Tibi carius Almi
Consilium, quod non decipit, omne Dei.
Jure sibi posci, quos cum pietate fideq;
Ille habuit charos, morte beare volens.
Annumeranda tua his, monstrare vocatio debet
Ex, quâ surrepta est uxor amata diu.

Hoc

Stet.
Hoc poterit tristes animi depellere curas
Ut capiat requiem mens violata nimis.
Post partum hunc solito pro jure dolore repletum,
Dixerat ut *Christus*, læta perennis erit.

Orbato Coniuge, charissima amico solatiis
causa scripsit

Bonaventura Berther.

In partu grandem parientibus esse dolorem,
Gaudia post partum surgere, *Christus* ait.
In partu dolor ergo fuit quoque Coniugi amata,
Gaudia post partum, lane *Iacobe*, *Tua*.
Gaudia sed diuturna minus! nam subsequa tristis
Spicula turbarum gaudia læta necis;
Quæ jugulata jacet, post nubila densa doloris
Exsuperata, tui *Gemma* corusca tori.
Hinc mæres! verum mærori figito metam:
Uxoris Soboli cernis inesse *Typum*.

Lubens lugensq; f.

M. Martinus Bambanius, P. L.
& Sch. Sedin: Sen. ConR.

Bulla velut, summâ quæ mox turgescit in undâ,
Mox vento exiguo pulsa fatiscit, abest.
Sic, hominis florens quæ mox est vita, procellis
Jactata innumeris mox fugit atq; perit.
Nempe mori certum est, satius sed falce necari
Mortis, quàm Martis tela videre trucis.
Ecce, *Dei* dono privatus es, optume *Fautor*,
In terris, dulci coniuge: mæror adest,

Mæror

Moeror acerbus adest, moeror justissimus idem,
Sed vir ne crucies corda dolore nimis.
Omnia nam fiunt bene directore *Iehovâ*,
Cuius decretum vertere nemo potest.
Dicere cui nemo potis est: tu contrahe vela
Propositi: inde *Deo* quod placet, ipse proba.
Perdita nequaquam est, sed Christo vivit, abivit
In veros plausus gaudia vera terens.
O verè felix, placidè qui lumina claudit,
Nec mundum curat, morte resurget ovans.

Testanda condolentia ergo fecit

Joannes Remschiedius Goslar, Cheruscius

P. Caf. & Duc. Pædag. Sietin. Musicus.

Dn. Martino Bratvern / Amico suo singulari,
matris obitum lugenti,

TE nuper magnum fateor, Martine, dolorem
Ex obitu matris mæstô cepisse colenda.
Hac etenim moriente, Deus κακὴν αἰὼν aufert,
Quò fuit in Terris Tibi non prestantius ullum.
Verùm quod Dominus dedit, id quoq; sustulit idem:
Ergo sit summi benedictum nomen *Jovæ*.
Sic sanctô fas est cum *Jobô* (a) dicere, Rectè
(a) *Job c. 1. v. 21.*
Hac animò tecum si Tu, Martine, revolvās,
A charò nimium depestes pectore luctum;
Firmans Te firmò magni solamine *Jovæ*.
Sicut enim mater (b) non obliviscitur unquam
Nati, nec potis est prolis deponere curam:
Sic etiam Te non obliviscetur in ævum
Cælestis Genitor, qui numine cuncta gubernat.

(b) *Esa. c. 49. v. 15.*

Vertet

*Vertet Hic in latos fletum, mihi credito, visus,
Inq̃ beata tuum (c) convertet gaudia luctum,
Qua certè nunquam poterit quis tollere de te.*

(c) Ioh. 11. 22.

Consolationis ergò scribebat

Adrianus Naffius.

Colloquium Vidui cum piè defuncta.

Viduus queribundus.

Eheu quid merui? quid promeruere Penates
Quod cœlò veniant fata dolenda mihi?
Fata dolenda nimis! thalami conforte perempta
Jubila lætitiæ jam periire simul.
Me sine Sole dies cruciant, sine sydere noctes,
Approperoque nec luctibus immodicis.
Non mihi rura placent, nec me demulcet aëdon,
Nec sistit lachrymas barbitos ulla meas.
Quò fugis, ô mea lux, obitu prærepta citat ô?
Quæ mihi te sociam fata maligna negant?
Cur mihi non licuit decedere morte priorem
Et canere antè tibi voce gemente vale?
O dolor! ô luctus! nusquam sub Sole poloq;
Nunc medicina mei grata doloris erit.
Surreptò ante diem tantò thalamiq; domusq;
Ornatu, posthac utraq; damna ferò.

Defuncta consolabunda.

Quid gemitus poterunt, quondam mihi sola voluptas
Deliciumq;? tuus plangor inanis abicit.
Invideasne meæ infaustâ pro luce saluti?

A manibus Domini pulchra brabèa tuli,

B

Suspirent

Suspirent alii mundi pacem atq; quietem
Lætitiâ verâ nunc sine fine fruor.
Mitte rigare genas lachrymis: Deus ipse levabit
Inflictum vulnus. Vive vātq; diu.

Condol. ergo l. m. fecit

Joachimus Schawfirch.

Querela Dni. Vidui.

¶ Gleich wie zu selbger Zeit / wann alles frölich blühet /
Vnd man die Wälder / Berg vnd Thäle grünen siehet /
Vor andrn Blumen alt so denn ja können sein /
Das schöne Röslein / lest sehen seinen Schein.
Zu welchen ziehen hin / die Bienen hauffen weise /
Vnd nehmen damit Lust / ihr wollgeschmackte Speise /
Vnd angenehmen Safft; sie hebet sich empor;
Ihr helles Kleid das glänzt von andrn allen vor:
Ihr stattlicher Geruch / ergetzet Muth vnd Sinne /
Das man ihr günstig sey / vnd hertzlich lieb gewinne:
Auch oft der Zephyrus von ihr so wird entzündt /
Vnd bläst aus gunst ihr zu den süßen Liebes Wind:
Ach! aber vnverhofft kompt Boreas gebräuset
Vbers grüne Feld daher / singt winselt pfeift vnd sauset
Vnd reißt diß Röslein mit Vngemach dahin /
Ihr glänzende Gestalt bewegt nicht seinen Sinn.
Das außgeputzte Feld hebt an sie zubetrawen /
Die Blumen neben ihr imgleichen auch sich schawen /
Die Bienen ziehen weg aus Angst vnd Bangigkeit /
Verirret hin vnd her vor grossen Dertzeleidt.
Ach! so seyd ihr zuvor / mein Schatz / auch hier gewesen /
Jetz sterbt ihr vnd seyd todt / durch welch ich kunt genesen:
Ach mein gewesner Trost! jetz liegt er nackt vnd bloß /
Vnd kriechet in ein Sarck / vor seines Liebsten Schoß.
Dweife

O weißes Röselein! O Krone aller Frawen!
 Ach weh! in dieser Zeit mus ich jetz (leyder) schawen
 Das ench der bleiche Todt ewr Leben hat gekurtzt/
 Vn aus der schñden Welt zur Frewd vnd Ruh gesturtzt.
 Doch seyd ihr nu von ihr vnd ihrer Angst gerisñ/
 Ich aber mus allhier das Creutz vnd Trawren küssen
 Vnd wallen in den Welln/ die voller Trübsal sein/
 Mein Trost ist nun vor Euch/ Außsorge/ Schmerz
 vnd Pein.

G. D.

Benjamin Bruno.

Nubila, sic res est, sua quemq; maligna fatigant:
 Id quod mali non nescius sat approbo,
 En Tecum quando fundo, *Vir Clare*, querelas,
 Vix dum mihi pulsus recrudescit dolor.
 Communi siquidem jactamur uterque procellâ,
 Cōsors Tibi peramica, virtutis decus
 Eximium, Genitorq; mihi pars maxima vitæ,
 Vi Numinis lacrumabili pereunt modô.
 Nempe bonos tantum fati inclementia monstrat,
 Nec his diurnandi facultatem finit.
 Sic est! in mediâ tibi mors itione paramur
 Vitæ, vagisq; temporum decursibus
 Certus ad interitum peregrando absolvitur orbis.
 Verum ferendo fata vincamus, par est.
 Namq; subinde DEI spectant horrore decoro
 Vultum, diurno clariorem lumine.
 Non omnes pereunt, sed pro brevitæ salutem
 Vitæ perennem plaufibus carpunt novis.

*Hac posthumo p. Denata Honori
 condolens consecrat.*

Jodocus Andreas Hiltbrandt.

B 2

Quam

Quam consternatus sim, Consobrina colenda,
 Cum tua mors inopina meas ferretur ad aures,
 Id prohibet magnus, quem cepi, dicere luctus.
 Quam vellem, nunquam me percepisse sinistram
 Hanc vocem! Potius, canum Te Nestora, vellem,
 Vivendo vicisse; diu quò blanda dedisses
 Gaudia, delicias, solamina grata Marito,
 Atq; seni Matri, charæ sobolique, mihiq;
 Heu! jam tres annos orbo. Sed mente ferendum
 Est aquâ, nobis quodcunq; immittis Jovæ:
 Hic relevet nos: Hic sit consolatio nostra.
 Hic vertat nostros in dulcia gaudia luctus.
 Interea placidam Tibi, Consobrina, quietem
 Opto, dum latè surgens è pulvere terra:
 Intres cum Sanctis cœlestia regna Jehovah,
 Quò nos mox velit alma Trias perducere cunctos.

Περὶ τῆς μετὰ τὴν θάνατον ἐξουσίας

Thomas Glocknerus defunctæ Consobrinus.

Si, quæ fecit Adam, per tristitia discere damna
 Ex mare sive cupis; seu muliere, gement.
 Ille, quòd assiduò vultus sudore parandus
 Sit cibus, & miserò vita trahenda modò.
 Hæc, quòd percipiat nimios paritura dolores,
 Quos superare Viri, jurat & ipsa, malum.
 Infelix sanè sexus (si vera fatemur)
 Infelix sexus Foemina, crede mihi.
 Nam quos non pariens miseranda subiit dolores
 Cogitur? Immò necem sapius illa subit,
 Non opus esse puto multis, quibus ista probarem;
 Te testem, Cunjunx Frederiana, voco.
 Tu quoque Lucinam nuper paritura vocasti;
 Jam cadis, infelix, jam cadis ante diem.

Non

Non tamen est dubium, *Vir praestantissime, conjunx*
Quin tua sit caelo, laetaque semper ovet.

Scilicet uxori caelum pariendo paratur:

Divino veluti pectore Paulus ait. 1. *Timoth. 2. 15.*

Condolens f.

Iohannes Ibsen Sonderburgo - Cimber.

PROSOPOPOEIA DEFUNCTÆ.

AH tua cur nimio turbas praecordia luctu,
atq; dolore animum, fide Marite, quatus?
Pone modum lacrymis, quod me rapiente sub umbras
morte, mea ex oculis vadat imago tuis.
Nam mortis lapsus, Christus sed causa salutis:
hinc ego per funus febile, saevus ago.
In terris nil vita fuit, nisi lerna malorum;
sed tecum dulcis vita, Tredere, fuit.
Vita fuit morbus, curaq; laborq; perennis;
Tu medicina, quies grata, levamen eras.
Vixi, & quem tecum mihi fata dedere per annum
cursum, perfeci, care marite, toro.
Sed stat citiq; dies: vita transcurrere metam
concessum nulli: Lex data: Fata volunt:
Propterea nil vota valent, parere necesse est;
qua semel imposita est Mors, obeunda semel.
Nec damnoſa mihi mors est: nam pace quiesco;
me quoq; non posthac ulla pericla prement.
Ergo quid horrescis? mea fata fer Optime conjunx,
disidiumq; animo fer patiente toro.
Olim tempus erit, quod nos conjunget ovantes,
& velut ante, pie mutui ibit amor.
Interea terris dum ducis tempora vitae,
sint procul à viduo fata sinistra toro.
Et cum vita malis scateat, mundana relinquens,
ad caelum purâ tendivo mente. Vale.

Debitæ condolentiz attestandæ ergo fac.

Mauritius Caroli Boyzenburgi March,

*Tbrenodia Vidui præmatarum, beatum tamen
Castissima conjugis obitum lugentis.*

Mæstos cum deceant mœsta, ut proverbialia dicunt,
Eheu me summo talia jure decent.
Tristes dic igitur numeros & flebile carmen.
Phœbe pater, tristes ferq; referq; sonos.
Flebile vos itidem carmen geminate Camœnæ,
Flebile flebilibus munus obite modis.
Si namq; ereptâ turtur Sociâ dolet, atq;
Omne replet gemitu nocte dieq; nemus:
Cur ego non flerem, cûi (proh) carissima conjux
Occubuit, quæ pars altera cordis erat;
Quam mihi lætitiæ sociam, sociamq; doloris
Addiderat Numen, præsidiumq; domûs;
Annos quæ centum fuerat [modò Fata tulissent]
Et proli & domui digna præesse suæ;
Quæ medicina fuit morbi, curaq; levamen;
Cum quâ perpetuo vivere dulce foret;
In Christo fixam quæ spemq; fidemq; locabat;
Quæ purâ coluit simplicitate Deum?
Sed cur me crucio? cur tot suspiria mitto?
Cur tantus torquet tristia corda dolor?
Non equidem injustum, crudelia fata dolere;
Non tamen & lachrymis dedecet esse modum.
Nâm mihi quam Sociam cæli terræq; creator
Abstulit, illam idem nonnè mihi antè dedit?
Quod mihi commisit, repetit; mihi tradita egor
Reddere, quæ nemo jure negare potest.
Cur mihi displiceat, quod vult divina voluntas?
Impius est culpans, quæ tibi Jova placent.
Propterea vadas mea lux, mea summa voluptas
Ad Dominum, tibi qui gaudia tanta dabit,

Quan-

Quanta oculus nunquam vidit, quantā audit auris
Nunquam, quantā suo pectore nemo capit.

Contestanda Domino Hospiti condolentia causa f.

Henricus Röblus

Bismariens. Palao-march.

Transitus hæc vita est, stadium, cursuq; perennis,
Quisq; viatores imitatur.
Omnis homo tenet hanc peregrinus & advena terram,
Ceu primi tenuere parentes.
Exiguo spatio vitales carpinus auras,
Vix natis mors lumina claudit.
Incolimus Cynici testam, dum carcere clausi
Corporis, hæc volvenda subinde;
Rarè sistenda est, nusquam figenda nec unquam:
Donec conscendamus in astra.
Non nos illecebris mundus demulceat hospes,
Non canpona caro remoretur.
Tendimus in cælum sedes ubi lova beatis
Ostendit, letamq; quietem.
Quis non mente avida præsentia linquere veller,
Letisq; exoptare futura.
Noli igitur nimium subito indulgere dolori,
Quod conjux sit morte perempta.
Evocat è mundo Deus illam, jamq; laborum
Fini adest, requiesq; parata.
Quam dedit uxorem, rapit hanc, Tredere, voluntas
Non tua sit contraria lova.
Non evitabit, peperit quem sæmina, mortem:
Verùm mors hæc janua vitæ.

Casparus Devitius

Pasvvalco Pomeranus.

Fata

Fata inimica tuos, quid *Avuncule Docte?* Penates
Nunc audent etiam vi violare necis?
Durum profatum, *dulci consorte Maritum*
Quod privat, rapiens provida fulcra *Domus*.
Sed Terrena fugit, nunc diâ vescitur aurâ,
Huius ab exsequiis gloria major erit.
Quod restat, Lacrymas oculis cohibeto subortas,
Namq; terenda via est, omnibus æqua, necis.

συγγλῶς fundebat

Ambrosius Hiltebrandt Sedinô- pom.

O Dolor! ô luctus! num vobis dicite natus?
Pectus num capiat nil nisi triste meum?
Paucos ante annos carus cecidit pater, & nunc
Heu! moritur mater, sola relicta mihi.
Quis mihi nunc solamen erit? quis quæso voluptas?
Quis me nunc operâ consilioq; iuvat?
Hoc qui prastarent mihi sunt, proh, morte necati,
Quæ abstulit & matrem, quæ abstulit atq; patrem,
Ab quô me vertam, quæ me nunc æquora, quæq;
Nunc tellus capiant, nescio mæstus ego!
Ad te magne Deus fugio, qui tutor eorum es
Qui genitore carent, qui genetrice carent.
Tu sis defensor: Tu sis materq; paterq;
Tu me conserva, consilioq; rege.
Interea precor ex animo dulcissima mater,
Ut clauso in tumulto molliter ossa cubent.

Martinus Bravver, præmaturum matris
dilectissimæ obitum miserè
lugens fund:



921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VII.33

